

جَزَائِرِ مَحَاكِمَ

جمعه ایرتسی

نومرو	صفه	سنه	حریران	سنه	صفحه
۱۰۸۶	۱۸	۱۳۱۸	۳	۱۳۱۶	۱۵۲۴۳

(اشبو غزنه بهر هفته جمعه ایرتسی کونلری جبقار . سنه لکی در سعادت ایچونه مجیدیه بکرمی غروسه)
 (مسایده التمه غروسه . طره لر ایچونه اوده بسه غروسه بوسه اجرتی ضم اولنور . بهر)
 (نسو سی یه مجیدیه بکرمی غروسه اولو اوزره بوزیاریه هر برده صانیور . درج اولنه جی اعمدانک)
 (هر برنده بر مجیدیه اخذ اولنور . سنه لکه مشتری اولو استیاند عدله نظارتی دانه سنده لانه جرمیده)
 (محاکم اداره سنه مراجعت ایلملیر .)

قسم غیر رسمی

مدعی عمومیک مأموریت علیه سنک ۲۹ کانون ثانی
 سنه ۳۱۵ تاریخی تبلیق نامه سی ایله برلشدیر یلهرک
 محکمه تمیز استدعا دانه سنده قرائت و مطالعه
 اولدی

یانیه ولایتی هیئت اتهامیه سیله برات بدایت
 جزا محکمه سنندن ویریلان قرارلرک یکدیگرینه
 مابین اولسنندن طولایی تعیین مرجع دعوی
 طلبی حاوی ولایت مذکوره استیناف محکمه سی
 مدعی عمومیکلکندن ۲۴ کانون اول سنه ۳۱۴
 تاریخی تحریر اتله ارسال اولسان اوراق باش

اوراق مذکوره مأللرینه نظراً خانه سنده بیع
 وفروخت ایتمک اوزره باروت حفظ و توقیف
 ایتمکده ایکن در دست ایلمسندن طولایی مظنون علیه
 اولان اسپرونک هیئت اتهامیه ججه ایله اتهام
 اولنهرق اوراق دعوی محکمه بدایتیه تودیع ایلمش

و محکمه مذکور که فعل واقع جنایت درجه سنده
کورنسنه و کیفیت مستنطق و هیئت اتهامیه دن
کچمش بولنسنه مبنی دوائر مذکوریه تودیعنه
محل قالیوب محکمه نك دخی عدم صلاحیتی جهتله
شو صورتله هیئت اتهامیه ایله محکمه مذکور
قرارلری بیننده حاصل اولان اختلافك حلیله
دعوانك تعیین مرجعی محکمه تمیزه عائد بولنمش
اولدیفندن مقتضای قانونینسنك ایفاسی بیان
واشعار و مار الذکر تبلیغنامه ده دخی هیئت
اتهامیه نك جرم واقعه كچمه درجه سنده تقدیری
مقتضی اولان قرار واقعی مصیب و موافق قانون
بولنمغه اصول محاکمات جزائیة قانوننك درتیوز
اون سکنجی ماده سنه توفیقاً اولوجهله تعیین
مرجع دعوی اولمق اوزره ذکر اولنان محکمه
قرارینك نقضی لازم کله جکی ازابار اولمشدر
ایجابی لدی المذاکره فعل مدعاهك جنایت
نوعندن کورلدیکی حالد اصول محاکمات جزائیة
قانوننك یوزیمش یدنجی ماده سی موجب توفیق
امرینك اعطاسیله مظنون علیهی مستنطقه
کوندرمك لازم کلورکن بوجه محرر قرار
اعطاسی مخالف قانون اولدینی کی هیئت اتهامیه نك
دخی جرم واقع یکرمی بش قیه باروتی بیع
و فروخت ایچون خانه سنده توقف ایتمکده ایکن

دردست ایدلش اولسنه نظراً قانون جزانك یوز
التمش التنجی ماده سی موجب جنایت نوعندن
اولدینی حالد کچمه اولمق اوزره قرار اعطاسی
دخی مخالف قانون اولدیفندن مضبطه اتهامیه نك
دخی نقضه ۱۵ مارت سنه ۳۱۶ تاریخنده متفقاً

قیان دقیده حضر بك محله سنده ساکن
قو طنجی اصنافندن حاجی حافظ محمد افندی واحد
اغا ایله بینلرنده متکون دعوايه دائر در سعادت
استیناف محکمه سی حقوق قسمندن صادر اولان
۲۹ حیران سنه ۳۱۵ تاریخلی اعلامك تمیزی
مستدعی مرجانده اوروجیلر قپوسنده لؤنك
مغازه سنده مقیم صراف او اکیم ولد عوادیس
و کیغورق ولد عوادیسك مشترکاً ویردکلری
مرضحال و متفرعاتی باش مدعی عمومیلک
مأموریت علیه سنك مطالعه نامه سیله برلشدیریلهرک
محکمه تمیز استدعا دائره سنده لدی التدقیق مدت
و شروط قانونیه سنه موافق کورینه رك استدعا
مذکورك بالقبول اعلام مزبورك شامل اولدینی

وظیفه قرار ی حقنده تدقیقات تمیزیه اجرا سنه
ابتدار قلندی

اعلام مذکورك خلاصه مالی مرقومان
او اکیم و کیغورقك ابراز واره ایلدکلری ایکی
قطعه سند خاقانی به استناداً تصرف ادعا سنده
بولندکلری قو طنجیلر فرونك تخلیه سی و بدل
ایجارینك تحصیل حقنده مومی الیهما حافظ
محمد افندی واحد اغا علیه لرینه اقامه ایلدکلری
دعوانك رؤیتی محاکم نظامیه نك وظیفه سی داخلنده
اولدیفنده دائر مقدمات در اولان قرار استینافینك تمیزاً
تصدیق قلمسی و اخیراً استیناف استدعای نامه سنك
ردینه متدائر صدور ایدن اعلام استینافینك اول
محکمه تمیز حقوق دائره سنجه و مؤخرأ وقوع
بولان اصرار اوزرینه محکمه مشار الیهانك هیئت
عمومیه سنجه نقض و اعاده ایدلسی اوزرینه بوکره
اعلام مستأنف بهك فسخیله جریان ایدن محاکمه
و تدقیقات استینافیه نتیجه سنده دعوی مجبوت
عنهانك رؤیتنه محاکم نظامیه نك وظیفه دار اولسی
مدعیان مرقومانك مذکور فرونك بدل ایجار
و تخلیه سنی طلب و ادعا ایتملری جهتندن اولوب
محاکمه بوضورتله جریان ایتمکده ایکن بودفعه
مرقومان محل مذکورك زمیننه متصرف بولندکلری

ادعاسی در میان و مدعی علیه مادخی سالف الذکر
فرونك کدکنه متصرف اولدکلری مدافعه ادعا
و بیان ایلش و محل مزبورك وقف اولسی
جهتیه تصرف مسئله سنك حل و حسمی محکمه
تفتیش اوقاف هایونه عائد بولنمش ایدوکی بیانیله
دعوی مذکور دن طولانی مرجعه مراجعت
اولنسنه حکمدن و مستدعیان مرقومانك اشبو
حکم علیه لایحه لرنده مندرج اعتراضلرینك
مؤداسی محکمه استینافیه نك بوکره وظیفه حقنده
ویرمش اولدینی قرار سابقندن نکول ایتمی
مغایر قانون ایدوکندن بحشه اعلام مذکورك
نقضی و تمیز علیه مانك لایحه لرنده محرر فذلکه
جوابلری دخی غیر وارد اولان اعتراضاتك ردیله
موافق اصول و قانون بولنان اعلام مزبورك
تصدیقی استدعا سندن و مطالعه نامه نك مفادیده
اعلام استینافیده مندرج اسباب مقبوله قانونیه
نظراً وظیفه دائره لایحه تمیزیده در میان اولنان
اعتراضاتك موافق قانون کوریه لمدیکی بیاندندن
عبارت بولمشدر

ایجابی لدی المذاکره تمیزیه اعلام استینافیده
ایجار و تخلیه مأجور ادعاسی محاکم نظامیه عائد
ایدوکی و بوجهت محکمه تمیز جده دخی فصل و حسم
ایدیله رك محاکمه بوضورتله جریان ایتمکده ایکن

و مضمونلری تحریر و تمیق ایدیلرک تبیین ایدیه جک
حاله کوره قرار اعطاسی مقتضی بولندیغی حالده
اسباب موجب و دلائل ثبوتیه سی کوسرلمکسزین
محل منازع فیهک وقفینه و طرفینک مرجعنه
مراجعت ایللرینه صورت مبهمده قرار اعطاسی
مغایر اصول و قانون اولدیغندن اصول محاکمه
حقوقیه قانوننک ایکوز اوتوز ایکجی ماده سی
موجبجه اعلام میز بهک تفضیله کیفیتک صور
مشروحه واحکام قانونیه دائره سنده یکیدن
بالتدقیق اعلامه ربطی ضمننده محکمه استینافیه
اعاده سنه وزیرده مفرداتی مرقم درتیوز اوتوز
سکزر غروش مصارف تمیزیته نک بالاخره
حقسز چیقہ جق طرفه راجع اولمق اوزره
اول امرده مستدعی تمیزلردن النسنه ۲ ایلول سنه
۳۱۵ تاریخنده اکثریتله قرار ویرلدی .

خداوندکار ولایتی داخلنده ارطغرل
سجاعتک کوبلی قصبه سنده ساکن خرملبو ایله
ینه قصبه مذکوره ده مقیم یورکی بیننده متحدت

بوکره مستأنف علیهما وکیل مؤکلرینک محل
مذکورک زمیننه متصرف بولندقلری ادعاسی
درمیان و مستأنفان مومی الیهمما وکیللری دخی
مؤکلرینک مذکور فرونک کدکنه متصرف
بولندقلرینی مدافعه ادا و بیان ایلدکلرندن و محل
مزبورک وقف اولسی جهتیله تصرف مسئله سنک
حل وحسمی محکمه تفتیش اوقاف هایونه عایدیتندن
بجمله دعوی مذکوره دن طولایی مرجعنه
مراجعت اولنسنه قرار ویرلمش ایسه ده اساس
دعوی بدل ایجارایله تخلیه مأجور ادعاسی اولسنه
نظراً مرجع رؤیتی محاکم نظامیه ایدوکی تمیزاً
قرارکیر اوله رق کسب قطعت ایلش اولسنه
ومدعی علیهمانک دعوی مذکوره یه قارشو
اول و آخر مدافعه لری عقد ایجاری انکار ایله
مار الذکر فرون کدکنه تصرف ادعاسی بولنسنه
و بنابرین دعوی حادثه مقامنده تلقی ایدیلان
مدافعه مذکوره نک صدق و صحتی و محل
منازع فیهک وقفیتی نمایان اولدیغی صورتده و ققیه
معمول بهاسنه تابع اوقاف صحیحه دن اولوب
اولدیغی وادعا اولسان کدک الیوم موضوع
و مستقر بولنوب بولمندیغی اول امرده طرفین
یدلرنده بولنان و سائق شرعیه و سندات خاقانیه
معاینه و تدقیق و یا عیناً و یا خلاصه عباره

دعویاه دائر ارطغرل بدایت محکمه سندن ۳۰
ایلول سنه ۳۰۸ تاریخی و قرق سکزر عددیله
ویریلان اعلام مرقوم خرملبو طرفندن تمیز
ایدلکله اعلام مذکور یالکزر مستدعی تمیزک
اعتراض لایحه سیله بالمطالعہ تدقیقات تمیزیته اجراسنه
ایستار قلندی

اعلام مذکورک خلاصه مالی مرقوم
یورکینک مذکور کوبلی قصبه سنده متصرف
اولدیغی معلوم الحدود و المقدار خانه عرصه سنک
سکزر بجق مترو محلی مرقوم خرملبو ضبط
و فضولی مداخله ایلدیکنندن بجمله مداخله
واقعه سنک منعی طلب و دعوی ایتمسنه قارشو
مدعی علیه مرقوم دخی مقدما قصبه مزبورده
وقوعبولان حریقده کندوسنک خانم سی محترق
اولدیغندن یانق خانه عرصه لری مهندس معرفتیه
مساحه اولنوب هرکسک یری تعیین و قازیق
رکز یله تحدید ایلدیکنی و منازع فیه محل
کندوسنک ایدوکی و مدعینک عرصه سنه تجاوز
ایتمدیکنی مدافعه درمیان و محکمه جه کشف
نأبی بالاعزام محل منازع فیهک کشفی اجرا
قلندقدن صکره تعیین اولنان کونده مدعی کلش
ایسه ده مدعی علیه کلامش اولدیغندن وکیل مسخر

تعیینیه جریان ایدن محاکمه و تدقیقات غیاییه
نتیجه سنده مدعی علیه مرقوم خرملبو منازع فیه
عرصه نک درت بجق مترو محله تجاوز ایدوب
خانه و فرون انشا ایلدیکی و عرصه مذکوره نک
هر مترو سنک التمش اوج غروش قیمتی اولدیغی
مبرز کشف راپوری مندرجاتیه ثابت اولسنه
ومدعی علیه مذکور عرصه مدعینک اولدیغی
بیلدیکی حالده تجاوز ایتمدیکنه عین ایستدیکی
صورتده مذکور درت بجق مترونک هر مترو سی
یوز غروشدن مجموع بدلی اولان درتیوز الی
غروشک مدعی علیه خرملبودن التوب مدعی
یورکی یه تسلیمنه و عینندن نکولی حالنده مدعا به
عرصه اوزرینه یابدردیغی ابنیه نک هدم و رفعیله
عیناً عرصه نک مدعی یه تسلیمنه حکمدن و مستدعی
تمیز مرقوم خرملبونک اشبو حکم علیهنده
لایحه سنده محرر اعتراضاتک باشلوجه سی دعوی
واقعه عقاره متعلق اولدیغندن اول امرده
ذی الیدک بالینه اثبات ایستیرلمسی لازم کلورکن
ذی الیدک بالینه اثبات ایستیرلامسی و محل
منازع فیه حقدده اجرا قلنان کشفک اصول
محاکمه حقوقیه قانوننک ماده مخصوصه سی
موجبجه اجرا قننامسی و مدعی مدعا به عرصه نک
هر مترو سنه ارباب وقوفه التمش اوج غروش

قیمت تقدیر ایدلیدیکی حالده محکمه جه بهر مترو سته
یوز غروش قیمت تقدیر ایدلسی یولسز و مخالف
قانون اولدیغندن بختله اعلام مذکورک نقضی
استدعاسندن عبارت بولنمشدر

ایجابی مذاکره اولدقدده اعلام مذکور
مطالعہ سندن اکلاشدینی اوزره حکم اولنان
درت بچق مترو محکم مدعینک مالی اولدیغنسک
بالینه اثبات ایتدیرلسی لازم کلورکن یالکز
کشفه بنای حکم ایدلسی ومدعی محل مذکورک
بهر متروسی التمش اوج غروش قیمتده ایدوکنی
ارباب وقوف خبر ویرمش ایکن محکمه جه بهر
متروسی یوز غروش اوزرندن حساب ایدلسی
مغایر قانون اولدینی کبی کشف خصوصنک دخی
اصول محاکمه حقوقنک التمش اوچجی ماده سته
موافق صورتده جریان ایتدیرلامسی نقصانی
معامله دن معدود اوله رق مخالف قانون
اولدیغندن اصول محاکمه حقوقیه قانوننک ایکوز
اوتوز ایکنجی ماده سی موجبجه اعلام مذکورک
نقضیه قانون مذکورک ایکوز قرق دردیجی
ماده سی حکمنه توفیقاً کیفیتک بالرؤیه اعلامه
ربطی ضمیمه محکمه مذکوریه اعاده سته وزیرده
مفرداتی مرقم اوچوز سکسان سکز بچق غروش
مصارف تمیزیه نک ایلروده حقسز چیقه جق طرفه

سرفچه سنجاغنه تابع الاصولیه قضاسنک
لیوادی قریه سی اهلایسندن اولوب نفس
الاصولیه ده مقیم قهوه چی اندون فیه ایله محل
مذکورده ساکن نولیه ماطی بیننده متکون
دعوایه دائر سرفچه بدایت محکمه سندن استیناف
صفقی و ۲۶ جزیران سنه ۳۱۵ تاریخی و طقوز
عددی ایله ویریلان اعلام مرقوم اندون طرفندن
تمیز اولمغله اعلام مذکور یالکز مستدعینک
اعتراض لایحه سیله بالمطالعہ تدقیقات تمیزیه اجراسنه
ابتدار قلندی

اعلام مذکورک خلاصه مالی مرقوم
اندونک مزبور نولیه ماطین استیجار ایدلیکی
الاصولیه قصبه سنده کائن بر باب قهوه خانه ده
حکومت محلیه طرفندن مسکرات فروختی منع

ایدلش اولدیغنه بناء اولباده کی ایجارک فسخی
حقنده مرقوم اندونک وقوعبولان ادعاسی
اوزرینه الاصولیه بدایت محکمه سنجه سبق ایدن
حاکمه وتدقیقات نتیجه سنده عقد ایجارک فسخته
دائر صادر اولان اعلام علیهنده مرقوم نولیه نک
وقوع مراجعتیه مبنی سرفچه بدایت محکمه سنجه
استینافاً اجرا قلنان محاکمه وتدقیقات نتیجه سنده
مستأجر اندونک قانوناً فسخ ایجاره حق
اوله میه جغندن اولباده کی اعلام ابتداینک فسخیله
دعوائی واقعنک ردینه دائر صادر اولان
اعلامک جریان تدقیقات تمیزیه نتیجه سنده
مستأنفک استینافاً شایان قبول کوریلان اعتراضنک
قانونه اولان جهت موافقتیه اولباده کی علل
واسباب قانونیه نک ارأه قلنامسنک یولسزنی
حسبیه نقض واعاده قلنمی اوزرینه بتکرار
جریان ایدن محاکمه وتدقیقات استینافیه نتیجه سنده
مقدما جریان ایدن محاکمه مستأنفک شایان
قبول کوریلان اعتراضی مبرز مقاوله نامه ده محرر
اولدینی وجهله عاقدین بیننده مأجور مذکورده
مسکرات فروخت اولنمی حقنده بر مقاوله سبقت
ایتمدیکنه متعلق واعلام ابتداینک فسخی دخی
بواساس مستند اولدینی جهته مرقوم اندونک
فسخ ایجار حقنده کی طلبنک ردینه وموچر

مرقوم نولیه ماطینک بدل ایجاردن متباقی مطلوبی
اولدینی تحقق ایدن اوتوز بچق عدد لیرانک
مرقوم اندونک تحصیلیه موچر مرقومه اعطاسنه
حکمن ومستدعی تمیز اندونک اشبو حکم
علیهنده لایحه سنده محرر اعتراضنک باشلوجه سی
هربر دعوی عرضحال ایله اقامه اولنمی قانوناً
لازمه دن بولندینی حالده درجه اولی محکمه سنده
موچر مرقوم طرفندن متباقی بدل ایجار حقنده
بر دعوا ده بولندینی وحکمه سبق دعوی شرط
بولندینی حالده عند الاستیناف بدایت دعوی
اولنمین بدل ایجارک تحصیلیه حکم اولنمی
یولسز ومغایر اصول وقانون بولندیغندن بختله
اعلامک نقضی استدعاسندن عبارتدر

ایجابی مذاکره اولدقدده اعلام مذکور
مطالعہ سندن منضم اولدینی اوزره محکمه استیناف
مستأجرک فسخ ایجار طلبنک ردیه متراکم بدل
ایجارک تحصیلیه حکم ایتش ایسه ده هر دعوی استدعا
ایله اقامه ایدیله جکی اصول محاکمه حقوقیه اقتضاسندن
اولدینی وموچر طرفندن بدایت محکمه سته اعطا
اولنان عرضحالده بدل ایجار طلبی مندرج بولندینی
حالده استیناف محکمه سنده شفاهاً وقوعبولان ادعاسی
اوزره بدل ایجاره دخی حکم اولنمی مخالف قانون
بولنمش ومستدعینک باشلوجه اعتراضی دخی

بوجهته متداثر اوله رق شایال قبول کورنش
اولدیندن اصول حاکمه حقوقیه قانوننک ایکوز
اوتوز ایکنجی ماده سی موجبجه اعلام مذکورک
بوجهتدن نقضیه جهات سائرهنک تصدیقه
وزیرده مفرداتی صرف درتیوز اون اوج بحق
غروش مصارف تمیزیه نک ایلروده حقسنر
چقجه حق طرفه رجوع ایتک اوزره اول امرده
مستدعیدن استیفا سنه ۷ شباط سنه ۳۱۵ تاریخنده
متفقاً قرار ویرلدی .

ارکوب قضای صندوق امینی یواکیم افندی
ایله ارکوب صندوق امینی وکیل سابق میخالا کی افندی
ینلرنده متحدت دعوایه دائر قضاء مذکور بدایت
محکمه سنندن ۱۷ مایس سنه ۳۱۱ تاریخی واون
اوج عددی ایله ویریلان اعلام مومی الیه یواکیم
افندی طرفندن تمیز اولنمغله اعلام مذکور
طرفینک اعتراض وجواب لایحه لرله بالمطالعه
تدقیقات تمیزیه اجرا اولندی

اعلام مذکورک خلاصه مائی مومی الیه
یواکیم افندی مقدما قضاء مذکور صندوق امینکی
وکالتده بولنان مومی الیه میخالا کی افندینک
کندوسنه دور محاسبه ایتدیکی انشاده موجوداته
قارشولق اوله رق ارکوب قائممقامی راشد بکدن
الحق اوزره کندوسنه حواله ایلدیکی اوچیک
ایکی یوز قوق درت غروشی قائممقام مومی الیه
قبول ایتامسنه مبنی مبلغ مزبورک مومی الیه
میخالا کی افندیدن نقداً تحصیلی خصوصنی ارکوب
بدایت محکمه سنه بالمراجعه طلب ودعوی ایتسنه
قارشو مدعی علیه میخالا کی افندی کندو زمانی
محاسبه سی رؤیت وتدقیق اوله رق برکونا ذمت
وایلدیشکی اولدیننی مجلس اداره قضا هیئتیه
مدعی یواکیم افندی طرفندن محتوم و مصدق اوله رق
اعطا اولنان برأت مضبطه سی مدلولیه ثابت
اولدیننی کی مبلغ مدعا به مذکور مضبطه ده
کوستریلان اون درت بیک کسور غروش میاننده
داخل اولوب قائممقام مومی الیه ایله حسابلشوب
اله مدیننی تبیین ایتمکسزین قول مجردیله کندوسندن
دعوایه حق اولدیننی بیان وتذکار ایتسی اوزرینه
محکمه به جریان ایدن محاکمه وتدقیقات نتیجه سنده
سالف الذکر برأت مضبطه سی محتواتنه نظراً
موضوع بحث اولان ایچه صندوق محاسبه سی

معاملاتندن متسولد اولوب کرچه مبلغ مدعا به
اولان اوچیک کسور غروش دور دفتری
موجبجه میخالا کی افندی طرفندن قائممقام مومی الیه
حواله ایلدیکی یواکیم افندی طرفندن ادعا اولنمغده
ایسه ده بونک مضبطه مذکورده محرر اون درت
بیک ایکی یوز یتمش بش غروش میاننده داخل
ایدو کی میخالا کی افندینک افاده سنندن اکلاشیلوب
ومذکور مضبطه ده ایسه حواله بی مؤید برصراحت
اولدینننه ومدعی مومی الیه بشقه اوراق ابراز
ایده مدینکه بناء مجله نک یتمش بشنجی و بیک
یدیوز اوتوز النجی ماده لری موجبجه دعوا ی
واقعنک ردینه حکمدن ومستدعی یواکیم افندینک
لایحه اعتراضیه سننده محرر باشلوجه اعتراضی
خصمی میخالا کی افندی مبلغ مزبوری قائممقام
قضا راشد بکه حواله ایتدیکی اقرار واعتراف
ایدوب حواله نک قائممقام مومی الیه طرفندن
بالقبول تأدیه اولدیننی انانی محاکمه درمیان
ایلمش ایکن اثبات ایتدیرلما سی مخالف اصول
وقانون اولدینندن بحثله اعلام مذکورک قضی
طلبندن ولایحه جوابیه خلاصه مؤداسی دخی
اعلام مذکور موافق قانون اولدینندن تصدیق
استدعاسندن عبارت بولنمشدر
ایجابی لدی المذاکره اعلام مذکور

مطالعه سنندن مستبان اولدیننی اوزره یواکیم افندی
خصمی میخالا کی افندی ایله دور محاسبه اجرا
ایتدکلرنده اون درت بیک ایکی یوز یتمش بش
غروش نقداً وسنداً میخالا کی افندیدن قبض
ایتدیکی مومی الیه یواکیم افندی اقرار ایتمش
ایسه ده مؤخرأ نقداً وسنداً دور اولنان مبالغ
مذکور ایچنده اوچیک شوقدر غروش قائممقام
قضا راشد بکک ذمتی اولدینندن مبلغ مذکوری
قائمقامدن الحق اوزره نقد مقامنده غیاباً قائممقام
مومی الیه اوزرینه حواله ایلدیش اولدیننی وقائمقام
مومی الیه حواله مذکورده قبول ایتدیکنندن
طولانی مبلغ محال بهی یواکیم افندینک میخالا کی
افندیدن مطالبه ودعوی ومدعی علیه دخی اولوجهله
حواله ایتدیکی انانی محاکمه اقرار واعتراف ایتمش
اولدیننی حالد مبلغ مذکوری قائممقامک تأدیه
وتسليم ایتدیکی دعوی واثبات ایتمکسزین مومی
ایله میخالا کی افندینک مجرد محاسبه ده کندوسنک
ذمتی اولدیننی ادعا ایدرک مبلغ مذکوردن برأتی
مدافعه بیان ایلمسی اوزرینه ذکر اولنان دور
دفتیرنه استناداً مدعینک منع محاکمه سنه حکم
اولنمش ایسه ده مذکور دفتر صندوق حسابی
حقنده اولوب اولباده مدعینک اقراری صندوقه
قارشوسن اولور ایسه ده مدعی علمندن ایتدیکی

حواله دعواسی شخصین بیننده بر مطلوب اولدیغندن مدعی علیه حواله مذکورده بی اقرار ایدوب طوررکن حواله مذکورده قبول اولوب ویا مبلغ محال بهک تأدیه اولدیغنی اثبات ایتکمیزین میخاللا کی افدینک برائته حکم اولغنی یولسز ومخالف قانون اولدیغندن اصول محاکمه حقوقیه قانونک ایکی یوزاوتوز ایکنجی مادهسی موجبیه اعلام مذکورک نقضه وقانون مذکورک ایکی یوز قرق دردنجی مادهسی حکمه توفیقاً کیفیتک یکیدن بالرؤبه اعلامه ربطی ضمیمه محکمه مذکوریه اعاده سنه وزیرده مفرداتی مرقم اوچیوز یتمش درت بحق غروش مصارف تمیزیه نک ایلروده حقسنر حقیقه جق طرفه رجوع ایتک اوزره اول امرده مستدعی تمیزدن النمسنه ۸ نیشان سنه ۳۱۲ تاریخنده اکثریت آرا ایله قرار ویرلدی .

نوشهرده خرستیان باش محله سنده ساکن پولچه جی عرب اوغلی یوانا کی افندی ایله کدک پاشاده نردبانلی کلیسا قارشوسنده کی خانه ده مقیم

اجسخانه عمومی طبیبی سعادتلو جورجی بک بیننده متکون دعوایه دأر محکمه استیناف حقوق قسمندن ۳۰ ایلول سنه ۳۱۵ تاریخچی و یوز یتمش طقوز عددی ایله ویریلان اعلام مرقوم یوانا کی افندی طرفندن تمیز اولغنه اعلام مذکور طرفینک اعتراض وجواب لایحه لرله بالمطالعاه تدقیقات تمیزیه اجراسنه ابتدار اولندی

اعلام مذکورک خلاصه مالی مومی الیه جورجی بک مرقوم یوانا کی افندی ذمتنده اله جفی اولان مبالغ معلومه نک تحصیلنه درسعادت بدایت محکمه سی ایکنجی حقوق دائره سندن استحصال ایلدیکی اعلام حکمه مرقوم یوانا کی افدینک اقامه ایلدیکی استیناف دعواسنه قارشو مومی الیه جورجی بک استیناف استدعایه سی نوشهرده ساکن یوانا کی امضاسیله ممضی و ۳ مایس سنه ۳۱۵ تاریخیه مورخ اولمسنه ومعامله قیدی سنک ۵ مایس سنه ۳۱۵ تاریخنده اجرا قلندیغنی ظهر استدعایه مرقم بولمسنه نظراً استدعایه وضع اولنان امضانک تقلید اولدیغنی و چونکه درسعاده طقوز کون بعید برمسافه ده بولنان نوشهر قصبه سنده امضا ایدلمش دیمک اولان مذکور استدعانک ایکی کون ظرفنده درسعاده

کوندرلسی امکانک خارجنده اولدیغنی ومرقوم یوانا کینک درسعاده بولغدیغنی عمومک معلومی اولدیغنی جهتله مذکور استدعانک تقدیمی طرفندن تنظیم وبر ساخته امضا ایله محکمه یه اعطا قلندیغنی اکلا شملغله عرضحال مذکورک ردنجی سویلسی اوزرینه جریان ایدن محاکمه وتدقیقات نتیجه سنده استیناف استدعایه سی بالذات یوانا کی افندی طرفندن محکمه یه ویرلدیکی حاله زیری کنیدیسی طرفندن امضا وتمهیر قلمیوب استدعایه نک محرر اولدیغنی خط ایله نوشهرده خرستیان باش محله سنده خانه سنده ساکن پولچه جی عرب اوغلی یوانا کی عبارته سی قید وتحریر قلمش و اصول محاکمه حقوقیه قانونک اون النجی ماده سنده عرضحال صاحبی طرفندن بالذات محکمه یه ویرلدیکی حاله صاحب استدعا طرفندن امضا وتمهیر قلمش لازم ایدوکی مصرح وبوجه تله شرائط استینافیه نقصان بولممش ولدی الحساب قانوناً معین اولان مدت استینافیه دخی مرور ایلکله اکمال نقصانده امکان قانونی قالماش اولدیغنه بناءً مستأنف مرقوم یوانا کی افدینک اولبابده کی استیناف استدعایه سنک ردینه حکمندن ومستدعی تمیز یوانا کی افدینک اشبو حکم علیه نه لایحه سنده محرر اعتراضاتنک

خلاصه سی اولبابده کی استیناف عرضحالی زیرینه موضوع امضا کندوسنک امری اوزرینه وکیلی طرفندن وضع ایدلمش وبویاسه مبرز وکالتنامه مندرجاتیله مثبت بولممش ایکن محکمه جیه بوبابده تدقیقات اجرا ایدلماسی ومذکور اون النجی ماده عرضحاللرک صورت تحریرینی معرف اولوب تعریف اولنان دائره ده یازلیان استدعانک رد اوله جفته دأر برکونه صراحتی حاوی اولدیغنی واستیناف عرضحاللرینک جامع اولسی اقتضا ایدن شرائطی کنیدی عرضحالی جامع اولدیغنی حاله مبادی دعوی عرضحاللری حقنده کی ماده قانونیه یه ابتداء ردینه قرار ویرلسی وقانوناً لازم کلدیکی صورته دخی مدت استینافک مرور ایدوب ایتدیکی حقنده طرفینک اجرای محاکمه سیله تبیین ایده جک حاله کوره برقرار انحاذی لازم کلور ایکن بونک دخی اولنمامسی وکندوسنک اقامتکاهی نوشهر قصبه سی اولوب قصبه مذکور ایله درسعادت بیننده کی مسافه وبعد یوز الی ایکی ساعت یعنی بهر مرحله التی ساعت اعتباریله اون بش مرحله دن فضله اولغله واستیناف اولنان اعلام دخی غیابی بولغله مبدأ استیناف اعتراض علی الحکم ایچون معین اولان اوتوزبر کونک مرورندن بدأ ایتک ومحل اقامتک استیناف

محکمه سینه اوز بش مرحله دن زیاده بعید
اولسندن طولای مدت استیناف طقسان کون
اعتبار ایدلک لازم کلورایکن استیناف محکمه سینه
استیناف مدتک مبدأ و متنهاسی کوسرلمکسزین
ونه یولده وقاچ کون حساب ایدلیکی بیان
ایدنکسزین مدت استینافک مرور ایتش اولدیغه
قرار ویرلسی یولسز و مغایر قانون اولدیغندن
بمثله اعلامک نقضی استدعاسندن ومدعی علیه
جورجی بکک لایحه سنده مندرج نتیجه جوابی
ایسه اعتراضات مسروده نک واهی و بی اساس
اولدینی بیانیله ردی و موافق اصول و قانون
اولان اعلامک تصدیقی طلبندن عبارت بولنمشدر
ایجابی مذاکره اولندقدده اعلام مذکور
مطالعہ سندن منقہم اولدینی اوزره استیناف
استدعاسی مومی الیه یوانا کی افندی طرفندن
ویرلدیکی حالده بالذات امضاسنی حاوی اولدینی
ومت استینافک دخی مرور ایدلیکی بیانیله
استیناف استدعاسنک ردینه قرار ویرلمش و کرچه
استیناف استدعاسنک بالذات مستأنفک امضاسیله
مضی اولماسندن طولای ردی قراری موافق
قانون بولنمش ایسه ده اعلام ابتدائی غیابی
اولدینی و مستأنفک اقامتکاهی درسعاده اون
بش مرحله دن زیاده بعید بر محله بولنمدینی

اسکدارده ایجادیده درت نومرولی خانه ده
مقیم اغوب اسایان ایله اطه بازارینک روم صوباشی
محله سنده ساکنه باقرجی صاوه و زوجہ سی

فوطینی قادین بینده متکون دعوایه دائر اذمید
بدایت محکمه سندن ۲۴ حزیران سنه ۳۱۵
تاریخی و اوتوز عددی ایله استینافاً ویریلان
اعلام مزبور اسایان طرفندن تمیز اولنمغه اعلام
مذکور طرفینک اعتراض و جواب لایحه لریله
بالمطالعہ تدقیقات تمیزیه اجر اسنه ابدار قلندی

اعلام مذکورک خلاصه مآلی مزبوره
فوطینی قادینک زوجی صاوه دن بر قطعه مایین
سندی منطوقجه یکریمی بیک غروش بدل
مقابلنده اشترا ایدلیکی اطه بازارینک باقرجیلر
چارشوسنده کائن بر باب ملک دکاتی زوجی
مرقومک مؤخرأ مزبور اغوب افندی به ترهین
ایدلیکندن رهنک فکیله مذکور دکاتک طرفنه
تسلیمی اطه بازاری بدایت محکمه سنده طلب
ودعوی ایتش ایسه ده بوبابده کی سنده تسلیم
وقوع بولمدینی مدعیه وکیلنک اعتراضیله ثابت
اولدیغندن بحکم المجله مرقوم اغوب افندی به
خصومت توجه ایتیه جکنه و مزبوره فوطینی
قادینک ایسه منازع فیه دکاتی زوجی وصاحب
اولی مرقوم صاوه دن اشترا ایدلیکی انشای
محاکمه استماع اوانوب لدی التزکیه عدل
و مقبول الشهاده اولدقلری تبیین ایدن کسانک

ایجابی لدی المذاکره اعلام مذکور
مطالعہ سندن مستبان اولدینی اوزره مستدعی
تمیزک استیناف محکمه سینه اعطا ایدلیکی لایحه
اعتراضیده کندوسی دخی مذکور دکاتی اشترا
ایدلیکتنی تحریر و بیان ایلسنه نظراً هر ایکی
طرف شرا دعواسنده بولنرق اقامه شهود

طلبنده بولملىرىنه كوره حكم ابتدائى بالفسخ
ذى اليدلك بالبينه اثبات ايتىدىرلدكن صكره
مجله نك ترجيح بينات فصلنه توفيقاً قننى طرفك
پنسه سى مرجح ايسه انك استماعيله حاصل
اوله جق تقييه كوره حكم ايدلك لازم كلورك
بوطريق قانونيدن ذهول اولمى يولسزواصول
وقانونه مخالف ومستدعينك لايحه سنده بوجهته
متدار اعتراضاتى موافق نفس الامر كورنمش
اولديغندن اصول محاكمه حقوقيه قانونك ايكوز
اوتوز ايكنجى ماده سى موجبجه اعلام مذكورك
تفضيله قانون مزبورك ايكوز قرق دردنچى
ماده سى حكمه توفيقاً كيفيتك صور محرره
دأره سنده بالرؤيه اعلامه ربطى ضمننده محكمه
مذكوريه اعاده سنده وزيرده مفرداتى مرقم درتيوز
قرق اوچ بحق غروش مصارف تميزه نك
ايلروده حقسز چيقه جق طرفه رجوع ايتك
اوزره اول امرده مستدعى تميز اغوب اساياندىن
اخدينه ۲۳ كانون اول سنه ۳۱۵ تاريخنده متفقاً
قرار ويرلدى .

اعلان

وکیل حسن فهمی افندینك قله قپوسنده
كوچك صندال زقاغنده اوتوز التى نومرولى
اپارتانده مقيم قوميسيونچى نيقولاكى اناستاسيو
كرىد يقوص عليهنده بك اوغلى بدايت محكمه سى
ايكنجى حقوق دائرة سندن استحصال ايتمش
اولدينى اعلام غيايى موجبجه غلطه ده قله قپوسنده
بركت زاده محله سنده جامع شريف زقاغنده كان
برباب اپارتانك نصف حصه سنده موضوع حجزك
فكى مصارف محكمه نك تحصيلى تحت حكمه
النوب واقع اولان طلب واستدعاسى اوزرينه
اولبايه تنظيم قلنان اخبارنامه مرقومك اقامتگاهنه
كوندرلش ايسه ده مرقوم نيقولاكى بوندن برسنه
مقدم يونانستانه عزيمت ايتمش اولدينى محل مذكور
روم مختارى طرفندن اخبارنامه زيرينه بيان
قلمش اولغله اجرا قانونك يكرمى طقوزنجى
ماده سى موجبجه اخبارنامه محاكمه ديوانخانه سنده
تعلق اولمش اولديغندن تاريخ اعلاندىن اعتباراً
طقسان بركون ظرفنده مرقومك اثبات وجود
ايتمى وياخود طرفندن مصدق بروكيل كوندرمى
وكوندرمىكي حاليه امتناع ايتمش عد اولنه رق

حقننده معامله قانونيه اجراسى بك اوغلى
اجرا دائرة سندن اعلان اولتور .

۶ مایس سنه ۳۱۶

قانونك مواد مخصوصه سى احكامنه توفيقاً
معامله غياييه اجرا اولنه جنى معلوم اولق اوزره
تنظيم اولنان اشبو دعوتيه ورقه سى محكمه نك
ديوانخانه سنده تعليق اولدينى كې اوراق حوادث
واسطه سيله دخى اعلان قلندى .

۸ صفر سنه ۳۱۸

۲۴ مایس سنه ۳۱۶

درعليه ده يوسفیان خاننده اون التى
نومرولى مفازده مقيم يوركىادى چاوش اوغلى
شرکت تجاريه سنك اولجه بيوك يكي خانده اللى
التي نومرولى او طه ده ساكن اولوب اليوم
اقامتگاهى مجهول بولدينى خبر ويريلان تجارندن
انطوان پريمو برادرلر عليهنه درسعادت ايكنجى
تجارت محكمه سنده ايكي قطعه امره محرر سندن
موجبجه اقامه ايلديكى اوتوز يدى ليرا وقرق التى
بجق غروش مطلوبات ادعاسى اشبو بيك اوچيوز
اون التى سنه سى حزينانك اون طقوزنجى
بازار ايرتسى كوني ساعت التيده فصل ورؤيت
اولنه جغسندن يوم ووقت مزبورده مدعى عليه
مرقوم انطوان پريمو برادرلرك بالذات محكمه
مذكوره ده حاضر بولملى لازم كله جكي وشايد
كلز ووكيل كوندرمى ايسه اصول محاكمه حقوقيه

حسن زكى افندینك بااعلام امينه خانم
ذمتنده محكوم به الهجنى اولان مبالغك تأمين
استيفاسيچون مزبور نك عهده سنده اولوب
فروخته بالرضا موافقت ايلديكى ايوب سلطان
جوارنده تقيه جى محله سنده اوطاچيلر جاده سنده
واقع تخميناً يوز طقسان آرشون عرصه اوزرينه
مبنى فوقانى و تحتانى درت اوطه وبر مطبخ ومشتك
برعدد قيو ايله تخميناً يوز طقسان بش آرشون
بانجه يى حاوى اخشاب طقسان اوچ نومرولو
برباب خانه تمامك اون بش كون صكره بالمزايد

فروخته تشبث اولنه جنى در سعادت اعلامات
شرعیه اجرا داره سندن اعلان اولنور .

۱۹ مایس سنه ۳۱۶



او خانس بلبلیان افندیك ولدان خانم ذمتده
با اعلام نظامی محكوم به اله جنى اولان مبالغك
تأمين استيفاسچون دايك طلب واستدعاسی اوزریته
تحت حجزه الدیریلان بر عدد بیله زیكك اوچ کون
صكره یهفی ماه جارينك یكرمی طقوزنجی
بازار ايرتسی کونی چارشوی کیرده قیو مجیلر
ایجروسنده بالمزایده فروخت اولنه جنى اعلامات
نظامیه اجرا داره سندن اعلان اولنور .

۲۵ مایس سنه ۳۱۶



او انطی به قادیك با اعلام نیقوله زاخاریادی
ذمتده محكوم به اله جنى اولان مبالغك
تأمين استيفاسچون مدیون مرقومك ظاهرده
قطعی و حقیقته وفا صورتیه مزبوریه فراغ
ایلدیكى بلاطده حاجی عیسی محله سنده محكمه التی
زقاغنده واقع آرو آرو استمال اولنور تخمیناً
یوز طقسان سكر آرشون عرصه اوزرینه مبنی
تختانی و فوقانی التیشر اوطه و ایکیشر صهرنج
وایكى طلومبه لی قیو و سائر می حاوی طقسان
درت و مکرر طقسان درت نومرولی ایكى باب
خانه و قرق ایكى آرشوندن عبارت مشترك باغچه
ومذکور خانه لر تختده کائن مکرر طقسان درت
نومرولی دكانك تاریخ اعلاندن اعتباراً اون بش
کون صكره آرو آرو بالمزایده فروخته تشبث
اولنه جنى در سعادت اعلامات نظامیه اجرا
داره سندن اعلان اولنور .

۲۵ مایس سنه ۳۱۶

